

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

490. Quibus modis privilegium solvendi decimas amittatur.

[urn:nbn:de:hbz:466:1-74477](#)

Si illa propriis manibus vel sumptibus colant: neque etiam addita illa ampliatione: etiam si per colonos excolant; neque etiam diceretur: eximus religionem & eorum prædia: adhuc tale privilegium se extendere ad colonos, etiam talium prædiorum, ita ut & hi liberentur à solvendis decimis, ad quas aliæ de jure communi tenentur, probabilius centent Castrop. loc. cit. num. 10. Pirk. nu. 69. eo quod probabilius sit esse privilegium reale, & non personale, & immunitas data ipsiis prædiis, etiæ intuitu Religiosorum, seu propter illos: privilegium autem reale eximiat à debito decimarum illorum prædiorum, quæ per alios coluntur; juxta Glos. & alios communiter in clem. 2. de decimis, nam & hi sunt participes illius privilegii & liberi à decimis, non propter se, sed propter Religiosos illos. Ratio etiam est, quod si tunc coloni deberent solvere decimas, ipsa Religio eas solveret de prædiis suis (coloni enim nunquam eximuntur à debito decimarum, etiam cum est privilegium reale concessum Religiosis, sed solvent explicitè vel implicitè, solvendo majorem pensionem, v.g. dictis Religiosis, quam solverent, si deberent Ecclesia solvere decimas) quod est contra privilegium. Castrop. & Pirk. II. cit.

2. Septimò, quod concessum privilegium sub hac similiue forma: *ut non solvant decimas laborum suorum* (hoc est agrorum suorum; ita enim intelligi debet, ut constat ex sequentibus verbis: *quos colunt*, cum solum agri & non labores colantur. Castrop. I. cit. num. 8.) *quos propriis manibus vel sumptibus colant*: extendatur adhuc ad prædia, quæ alii colenda tradunt tanquam nudis ministris seu famulis, qui ea sumptibus Domini colunt pro mercere illis constituta, five in pecunia, five in frumento, vel etiam pro concessio illis usu fructuum inde provenientium; non tamen extendatur ad prædia, quæ colenda tradunt alii pro certa annua pensione pecuniaria, cum tunc nec propriis manibus, nec propriis sumptibus ea colant Religiosi, sub qua tamen concessum est privilegium. Et hæc sit propriè locatio, vel si ultra decennium sic tradantur, sit emphyteusis, ipseque tunc conductor vel Emphyteuta solvere teneatur decimas. Idem est propter eandem rationem, si tradant colenda alii pro pensione fructaria; cum & hic contractus æquiparet locationi, soleatque appellari locatio, etiæ solum impropriè sit locatio, & in hoc casu iterum coluntur prædia sumptibus talis coloni censualis. Item si tradantur alii tanquam colonis partiaris colenda communibus sumptibus monasterii & coloni; cum tunc adhuc decima sint solvenda ex ea solum parte fructuum, quam colonus percipit, ita ferè Pirk. num. 68.

9. Octavo, quod idem privilegium concessum pluribus, v.g. Ordinibus, dum quo ad unum revocatur, non censeatur etiam revocatum quo ad alios similiter privilegiatos. Pirk. num. 63. citans Abb. in c. nuper. num. 3. nisi tamen privilegium quibusdam sit concessum primò ac principaliter, alii autem solum ad instar, seu per communicacionem, non tamen æquè principaliter. Pirk. loc. cit. citans Rodriq. qq. regular. quæst. 8. num. 5.

**

Questio 490. Quibus modis privilegium non solvendi decimas amittatur?

1. Respondeo sequentibus: primò, si privilegium concessum progressu temporis evadet enormis laesio, seu abiret in grave prejudicium parochialis Ecclesia, vel eorum, ad quos tales decimæ aliæ secluso privilegio pertinebant, ita ut scandalum & querela justæ inde oriatur, v.g. dum privilegiatus plura & plura acquirit prædia; non enim est intentio concedentis immunitatem illam à decimis concedere in istis circumstantiis, dum evadit enormis laesio alterius; esset enim concessio injusta, cap. suggestum. h. t. & Argumento c. penult. de Cleric. non resid. Barbos. cit. §. 3. n. 44. citans Menoch. cons. 156. num. 9. volum. 3. Rebuff. q. 14. num. 55. Castrop. p. 13. num. 1. Pirk. num. 73. citans Suar. c. 20. num. 1. cum communi. Proinde in eo casu cessat privilegium ipso facto seu jure, nec potest privilegiatus eo amplius uti, dum notorium sit, & privilegiato evidenter constat, quod privilegium cedat in enormem lesionem aliorum. Castrop. loc. cit. Pirk. num. 74. Quamvis adhuc in eo casu Ecclesia sic laesa propriâ auctoritate cogere non possit privilegiatum ad decimas solvendas, sed opus sit auctoritate Judicis compellentis, qualis esset Ordinarius, vel quilibet alius, apud quem causæ decimarum tractari solent. Castrop. loc. cit. citans Abbat. inc. suggestum. Felin. in e. cum accessione. de constitut. De cetero, dum de enormitate lesionis non constat, recurrendum est ad Pontificem, ut declareret, num privilegium factum sit graviter laesivum. Pirk. cit. num. 74. Castrop. loc. cit. cum nullus alius præter Papam privilegium pontificium interpretari aut moderari possit, ut Castrop. nisi forte ubi Papa id alteri, puta Rotæ, commisisset. Barbos. nu. 45. Porro dum gravamen vel laesio dicta est notoria & indubitate, ita revocatur privilegium (intellige auctoritate Judicum inferiorum) ut non possit ab iis reduci ad debitam & justam moderationem, sed torum cesseret. Papa autem potest illud moderari, ut per moderationem redeat iterum ad Justiciam, nec opus est, ut omnino tollat illud. Pirk. loc. cit. Interim suadetur in jure, ne mper. suggestum. ut ad vitandas lites, & ne privilegium in totum exponatur periculo, ut petitæ dictæ moderatione, desuper fiat compositio, quæ in eo casu non censetur renuntiatio privilegii, chm non fiat ex mera liberalitate, sed ob dictas causas. Castrop. num. 2. Atque ita per talen compositionem justam & rationabilem tolli potest, vel limitari privilegium absque eo, quod dici possit ei renuntiatum expresse. Pirk. num. 76.

2. Secundò, per viam tacitæ renunciationis, sive per non usum, seu potius per usum contrarium, hoc est, per solutionem decimarum factam ab exemptis. Pirk. num. 75. Castrop. num. 3. de quo etiam Hieron. Rodriq. resol. 50. num. 5. citatus à Barbos. num. 45. scilicet per annos 40, ut Pirk. seu tempus sufficiens, ut Ecclesia adversus Religionem præscriberet, ut Castrop. num. 4. Quamvis breviore tempore amitti potest, dum privilegiatus est persona privata; siquidem aduersus privatæ personas breviore tempore præscribitur. Castrop. loc. cit. De cetero privilegium illud, cum sit in favorem Ecclesie, vel Religionis integræ concessum, probabilius remitti nequit peti tenuis.

renunciationem expressam & absolutam , saltem à privatis donibus , vel Pralatis AA. iidem . et si tota Religio , cui datum est privilegium , illi ex iusta causa expresse validè possit renunciare . ut Pirh. citans Suar. c. 20. num. 3. de quo tamen dubitat Castrop. Quin etiam dictum privilegium concessum private persona , hac illi validè renunciare possit expressè . Castrop. num. 4.

3. Tertiò , per alienationem prædiorum , quæ ratione privilegii concessi Religiosis , v.g. exempta erant ab onere decimaru ; hoc ipso namque , quod prædiū aliquod definat esse sub dominio Religionis , vel monasterii , & transit in dominium alterius non privilegiati , definit esse exemplum ab onere decimaru ; cum hoc privilegium direcū & principaliter concessum Religiosis , & intuitu illorum , & non in commodum alterius , cui id concessum non est , adeoque non transit cum prædio vendito in emptorem . Neque etiam potest monasterium dictam immunitatem cum re alienata transferre in alium , cum ad hoc potestatem non habeat . Pirh. num. 77. Suar. cit. c. 20. nu. 6. Quod si tamen monasterium habens privilegium non solvendi decimas prædiū suum cum alio commutaret , vel venderet , ut pecunia ista emeret aliam , prædiū illud emptum statim ac transit in dominium monasterii , foret quoque exemptum , juxta tenorem privilegii ; cum sit subrogatum prædiū exempti , cuius proinde naturam & conditiones sequitur , non obstante Concilio Lateran. per textrum cit. c. nuper. vñtatis privilegia transire ad prædia deinceps acquirenda . cumque tale prædiū emptum seu commutatum pro alio non sit prædiū simpliciter de novo acquisitum , sed subrogatum loco alterius ; neque per hoc notabiliter crecent bona talis Ecclesia cum gravamine alterius , ob quæ emanavit principaliter dicta constitutio . Pirh. & Suar. ll. cit.

Quæstio 491. An , & qualiter obligati ad decimas , ab illis solvendis liberari possint per consuetudinem ?

i. R Espondeo ad primum : obligationem solvendi decimas , sive reales sive personales per contrariam consuetudinem communitatis aliquis tolli & abrogari posse tam à laicis , iisque etiam parochianis , non solum ut hoc vel illo modo solvantur ; vel non nisi petita à parocho ; Item ut non solum ex parte , ut nimur solvatur , v. g. tantum vigesima , vel alia pars quæcumque minor , vel solvatur ex certis tantum fructibus , v. g. ligno , fano , &c. & non ex aliis ; sed & in totum , ita ut nihil nomine decimaru pendatur modò ministris Ecclesiæ aliunde quam ex decimis , v. g. ex redditibus , fundis Ecclesiæ , oblationibus , piis Legatis provisum sit de congrua sustentatione ; tunc enim iis solvenda sunt decimæ , non nisi ex lege Ecclesiastica , qua per consuetudinem legitimè inductam & prescriptam omnino tolli potest . Barbos. de off. paroch. c. 28. §. 2. num. 64. citans pro singulariis hujus respousionis partibus quamplurimos . Pirh. ad tit. de decim. num. 126. citans Navat. l. 3. conf. 2. de decim. Azor. p. 1. l. 7. c. 26. q. 4. Suar. l. 1. c. 12. num. 8. Leff. l. 2. c. 39. num. 25. Canis de decim. c. 17. num. 8. &c. Castrop. p. 2. num. 3. contra Covar. c. 17. num. 10. Gurtier. c. 21. num. 35. Aragon. l. 2. q. 78. c. 1. apud Laym. Theol. moral. l. 4.

tr. 6. c. 5. num. 10. censentes , quod licet lex decimarum sit Ecclesiastica , in totum tamen non possit abrogari per consuetudinem , sed tantum secundum aliquotam . Verum ut bene Pirh. si potest tolli quo ad aliquotam , quia lex est humana , etiam in totum potest tolli : quare Auctores illos Laym. intelligendos censem sub hac conditione ; si ministri aliunde non habeant sustentationem . Sed neque consuetudo illa irrationalibilis est ex eo etiam , quod vix sic videantur ministri Ecclesiæ communitati inservire gratis ; nam dum reliquus populus non magis inde gravatur , dictique ministri sufficientem sustentationem & ornatum habeant , et si non tantæ astimationis , cum etiam quandoque convenientius sit experiri paupertatem aliquam , consuetudo hac aliunde satis honestatur , & velex hoc , quod populi accivitatem minus gravent solutione decimaru , praesertim ubi multi sunt carentes prædiis & animalibus . Sed neque gratis per hoc serviunt ministri , cum illis ab aliis satis provideatur de sustentatione ; quam & non plus exigere possunt ex rigore . Castrop. loc. cit. nu. 5. Neque argumentatio valet à tributo , à cuius solutione Regi facienda eximere nequit consuetudo , juxta l. compérimus . c. de prescrip. 30. annorum Pontifex noluerit vires auferre consuetudini respectu decimaru etiam sibi solvendarum , sicut Princeps abstulit respectum tributi sibi pendendi . præterquam , quod juxta Felin. & Abb. in c. ad audienciam . de prescrip. tributa dentur immediate in recognicionem Regiæ Dignitatis , & secundariò in Regi sustentationem ; decimæ vero primariò in sustentationem ministrorum , & secundariò in recognitionem divinæ Excellentia . Castrop. l. cit.

2. Respondeo ad secundum : ut tota communitas aliqua eximat se ab obligatione solvendi decimas per consuetudinem inducta contra legem decimaru , sciente & tolerante Papâ nou solutionem decimaru (quamvis in hoc casu abrogeruit lex decimaru non tam à communitate via consuetudinis prescripta , quam viâ connivenzia , seu pertinaciam revocationem Legislatoris , accidente præterea consensu illorum , quorum interest solvi decimas , & eas tamen non exigunt , censentur eas remittere) non requirit certum tempus , sed sufficiunt tot actus legi contrarii , ex quibus presumi possit tacitus consensus Legislatoris , & quod actus illi vel omissiones actuum pervenerint ad ejus notitiam . Laym. loc. cit. num. 11. & ex eo Pirh. n. 131. Ut vero eximat à dicta obligatione , dum non solutionem ignoravit Papa , sufficit per se quidem loquendo tempus 40. annorum (in secundum aliquos , quorum sententiam probabilem censem Castrop. minus probabilem & juri consonat , indicat Pirh. annorum decem) quo populus fuit in possessione immunitatis à solvendis decimis cum bona fide continuata , etiam sine alio titulo (securus est de prescriptione , ut pote quæ titulum requirit , præcipue dum jus resistit . Castrop. loc. cit.) reipsa tamen requiritur tempus longius , eò quod cum populus ab initio non solvendo decimas , dum sciret se ad hoc teneri , peccat , immediati illius successores non potuerint inchoare consuetudinem bonâ fide , sed prius illi successores , qui jam scientes ab antecessoribus suis per longissimum tempus non fuisse solutas decimas , ac proinde putare possunt , ipsos justam habuisse causam non solvendi , vel propter privilegium , vel tacitam legislatoris revoca-